

Ibu jadi pendorong

KH (Nisipone)
10/10/10
ms
6

KUANTAN: Kasih dan pengorbanan ibu yang sering menemani dan tinggal bersama di asrama sepanjang tiga tahun menjalani pengajian Diploma Sains Komputer menjadi kekuatan semangat kepada graduan OKU Universiti Malaysia Pahang (UMP), Siti Hawa Apandi menamatkan pengajian dengan cemerlang.

Beliau yang berasal dari Jalan Gambang di sini, menghidap Spinal Muscular Atrophy (SMA) yang melemahkan urat sarafnya sejak kecil dan tidak mampu bergerak selain terpaksa dibantu sepenuhnya ibu, Zaidah Tamjis, 47.

Walaupun berkerusi roda dan dibantu ibu yang menjaganya di asrama UMP serta menghantar ke kuliah, anak ketiga daripada lima beradik itu berjaya menamatkan pengajiannya dengan memperoleh Pungutan Gred Nilai Keseluruhan (PGNK) 3.79.

"Saya sifatkan ibu sebagai seorang yang sangat penyayang dan banyak bersabar melayan kerenah saya, malah kalau orang lain belum tentu dapat melakukan perkara sama seperti ibu," katanya pada Majlis Konvokesyen kelima UMP, di sini, semalam.